

БӨЛІМ: ӨЛЕҢДЕР / ФАРИЗА ОҢҒАРСЫНОВА

Әйел махаббаты

ЖАРИЯЛАНДЫ
26.01.2022СІЛТЕМЕ
https://bilimger.kz/112955/

Әйел деген — шарап деп сен жырлайсың, ақыным,
келіспеймін мұныға, бұл — мен үшін жат ұғым.
Ә дегеннен шарапқа қанамын деп ойлама,
көз іліп ап, тағы бас жазамын деп ойлама.
Әйел — қорған, мәрмәрдан өрілетін қатарлап,
күзетеді оны тек батылдық пен махаббат.
Қақпа соқса біреулер — достар да бар, қас та бар,
сақтамасаң қорғанды — иемденер басқалар.
Әйел деген — құзар шың, шығармайтын басына,
табындырған екенсің — сақта ендеше, жасыма!
Бұлақ ойнап, ол шыңның айналғанын гүл баққа
көргің келсе, аймала, жылуыңмен құндақта.
Жоғалтпайды ол сенімін, естіртпейді ез үнін,
өрлік мұзын әйелдің еріткенше сезімің.
Махаббаттың шарабын іше алады сең жібіп
өр сезімін әйелдің балқыта алған ер жігіт!

ҚМ АА Куәлік нөмірі: KZ45VPY00102718 — ҚР Мәдениет және Ақпарат министрлігі

© 2026 Bilimger.kz Ақпараттық-танымдық білім порталы. Барлық мазмұн авторлық құқықпен қорғалған.